

تیکمه داشلی خسته قاسیم



رضا همراز

دونیا

گل بیر سندن خبر آلیم سلیمانان قالان دونیا

ازلی گول کیمی آجیب آخیریندا سولان دونیا

دئه گوروم نه یه طالب سان؟ درسینی کیمدن آلیب سان

نئچه مین یول بوشالیب سان نئچه مین یول دولان دونیا

بو دونیا فانی دیر فانی بو دونیادا قالان هانی؟

داوود اوغلو سلیمانی تخت اوستوندن سالان دونیا

«خسته قاسیم» قالیب ناچار بو سری بس کیم لر آچار؟

گلن قونار، قونان کوچر هئی سالارسان تالان دونیا

خسته قاسیم بیزیم عاشیقلاریمیزین دیلر ازبری اولان شاعیرلریندن دیر . اونون شعرلری ایلردن بری ، توی - دویونلریمیزین بزگی کیمی اولموشلار . شعرلری دونه - دونه نشر اولسالاردا ، تاسف له بو تایدای بیرینجی دونه ، هله ۵۷ انقلابیندان سونرا گون ایشیغینا چیخادیرلدی . البته بونو دا قئید ائدک کی ، خسته قاسیمین شعرلری یالنیز عاشیقلارین دیلینده - دیشینده گزمه میش ، بلکه هر بیر شعره هوسی اولانین مارقینی الدهه ائده بیلیمیشدیر .

اورنگ اولراق ، داهی شاعیریمیز اوستاد شهریار ، خسته قاسیمین ان تانینمیش شعرى اولان « یالان دونیا » سین

سئوه – سئوه اوخویوب حتی گوزل بیر شعرده اونون دوامیندا قوشموشدور . باخین :

یالان دنیا

سنین بهره ن یئین کیم دیر ؟

کیمینکی سن ؟ بیه ن کیم دیر ؟

سنه دوغری دئییه ن کیم دیر ؟

یالان دنیا ، یالان دنیا

سنی فـــــرزانه لر آتدی

قاپیب ، دیوانه لر توتدی

کیمی آلدی ، کیمی ساتدی

ساتان دنیا ، آلان دنیا

سنی بایقوشلار آلقشلار

ده لی ، ویرانه نی خوشلار

دولان عقله ، سنی بوشلار

ایچی بوشـــــلا ، دولان دنیا

چاتیپ ، سندن کوچن کئچدی

اجل جامین ، ایچه ن کئچدی

اولان اولدی ، کئچن کئچدی

نه ایستیردین اولان دنیا

آتى ازل داغا سالدیق
يورولدوقجا ، دالى قالدیق
آتى ساتدیق اولاغ آلدیق
یه هر اولدی ، پالان دنیا

سنة قارونلار آللاندی
قیزیلدان تللی قالاندی
باتیب ظلماته قویلاندی
اولوب تللی تالان دنیا

قازانیب هی تالانیب سان
قالانیب هی جالانیب سان
ازلدن چالخالانیب سان
یئنه ده چالخالان دنیا

ننه قارنی ، ایلک بئشیگون
قبرستانلیق ، سون دئشیگون
نه ایچه رین نه ائشیگون
قارانلیق بیر دالان دنیا

نه قاندين ، کيم گول اکن دیر

کيم قيليج تک قان توکن دیر ؟

تیمور هله کوره کن دیر

چنگیز جانين ، آلان دنیا

ایگیت لرین باشین یئیه ن

قوجالار بوز باشین یئیه ن

قشیر لرین داشین یئیه ن

اوزو یئنه قـالان دنیا

بیری آینا ، بیری پاس دیر

بیری آیدین ، بیری کاس دیر

گنجه طوی دیر ، سحر یاس دیر

گول آچدیقدا ، سولان دنیا

بوغلایدین ، دوغان یئرده

دوغوب خلقی بوغان یئرده

اوغول نعشین اوغان یئرده

آنا زولفین یولان دنیا

اوجاق ایکن سونونموشسن

چاناق ایکن چونونموشسن

نه پیس قاری ننه ایمنش سن

ناغیل یالان پالان دنیا

یالان دنیا ، یالان دنیا

یامان قورقو بیغیلایدین

طوفانلاردا بوغولایدین

نولیدی بیر داغیلایدین

بییزی درده سسالان دنیا

چوخ ماراقلی دیر کی ، خسته قاسیمین شعرلریندن علاوه اونون حاقیندا عاشیقلا ریمیز گوزل - گوزل داستانلاردا یازیب یاراتمیشلار . میلی وارلیغیمیزین قوروقچولاری ، یعنی عاشیق لار خسته قاسیمین آدین قویمامیشلار ایته - باتا ! اونون شعرلرین مجلس لرده گور سس لری ایله اوخوموشلار . دئمه لی بیک بو حق عاشیقینین مزاری بوگون اونون آناوردو اولان تیکمه داشدا قورونوب ، گوزل بیر عابیده ده سالیتمیشدیر . همین مزاری گون اولماز کی بیر هوسکار زیارت ائتمه سین . بونولا برابر اوزاقدان - یاخیندان گلن زوارلاردا گوزه دیمک ده دیر . ایندی کونلوم ایستر خسته قاسیما عاید نشر اولوب یا نشر اولمایان کیتابلاردان کی خبرلی یم بورادا سیاهیسیین تقدیم ائدم .

۱- خسته قاسیم : شاعیرین اوز هم کندلی سی اولان حسین سیامی بیرینجی دونه اولاراق همین کیتابی ائله جماعتین آغزیندا اولان شعرلری توپلایب ، سونرا کتبی واریانت لارلا برابر توتوشدورروب نهایت اونون ۱۳۷۳ اونجو ایل تبریزین یاران نشری واسطه سی ایله نشره بوراخمیشدیر . همین کیتاب نئچه دونه ده چاپ اولوب ، اول کی نشر لرینه گوره بیر سیرا آرتیرمالاری دا اولموشدور .

۲- عاشیق خسته قاسیم : بو نسخه نی ده توپلایب نشره حاضیرلایان سایین محمد علی نقابی اولموشدور . اودا بو کیتابی ائله اوپان - بوپاندان توپلایاراق ۱۳۷۳ اونجو ایل ۱۵۸ صحیفه ده ایران جوذامی لرینین آتاسی اولان دوکتور سید حسین محمد حسین مبّین « م - شیمشک » اون سوزو ایله ، تبریزین تلاش نشری سیراسیندا نشر ائده بیلیمیشدیر .

۳- خسته قاسیم و عاشیق غریب شاه صنم : بو داستانی دا توپلایان تبریزین چالیشقان عاشیق لاریندان اولان عاشیق حسین ساعی اولوب . کیتابین آدیندان بللی اولدوغو کیمی همین نسخه ده ایکی داستانا یئر وئریلمیشدیر . آنجاق خسته قاسیم ۶۹ صحیفه یه کیمی گلیب چاتمیشدیر ! همین کیتابین ناشری تبریزین زرقلم ناشری اولوب کی ۱۳۸۰ دا نشر امکانی تاپمیشدیر .

۴- خسته قاسیم : بو نسخه نین ده توپلایانی آلیشیق تخلص ائدن سایین محمد عبادی قاراراخلو اولموشدور . بو نسخه اوزوندن اونجه نشر اولان نسخه لره گوره تمیز یا نئجه دئییرلر بوشقبا قویمالی بیر نسخه دیر . همین کتاب ۱۳۸۴ ینجی ایل تبریزین اختر ناشری سیراسیندا ۳۲۰ صحیفه ده اوخوجو کوتله سینه تقدیم اولونموشدور .

۵- خسته قاسیم : بو نسخه نی ، همین سطیرلری یازان بیرینجی عدلیه وکیلی اولان رحمتلی دوقتور علی کمالی نین آرشیوینده گورموشدو . تاسف له نسخه نین جزئیاتیندان خبریم اولماسادا ، آنجاق بیلیرم کی اونا دایر واختی ایله رحمتلی کمالی بیر شئی لر وارلیق درگیسینده نشر ائده بیلیمیشدیر . اوموروق بیرگون بو کیتاب گون ایشیغینا چیخا بیلسین .